



CYNGOR SIR
YNYS MÔN
ISLE OF ANGLESEY
COUNTY COUNCIL

CYNGOR SIR YNYS MON

TREFNIADAU AR GYFER
GWRANDAWIADAU'R PWYLLGOR
TRWYDDEDU

1.0 RHAGARWEINIAD

- 1.1** Mae'r protocol hwn yn ymwneud â gwrandawiadau gan Gyngor Sir Ynys Môn yng nghyswllt ei swyddogaeth fel Awdurdod Trwyddedu dan ofynion Deddf Trwyddedu 2003. Ynnddo nodir sut y bydd y Pwyllgor Trwyddedu a'i Is-Bwyllgorau yn rheoli trefniadau dan y Ddeddf a nodir hefyd y drefn i'w dilyn wrth benderfynu ar geisiadau am arolygon a gwrandawiadau.
- 1.2** Mae'r rheolau hyn i'r trefniadau yn dilyn Rheoliadau Deddf Trwyddedu 2003 (Gwrandawiadau) 2005 fel y cawsant eu diwygio (o hyn ymlaen cyfeirir atynt fel y 'Rheoliadau'). Pan fo'n briodol mae gofynion y Rheoliadau wedi eu hymgorffori yn y rheolau hyn. Hefyd bydd raid i aelodau'r Pwyllgor Trwyddedu gydymffurfio gyda gofynion Deddf Llywodraeth Leol 1972 (lle bynnag y mae hynny'n briodol) a dylent hefyd roddi sylw llawn i Ddeddf Hawliau Dynol 1998 wrth wneud gwaith trwyddedu.
- 1.3** Bob amser bydd raid dilyn yr egwyddorion cyffredinol a ganlyn wrth gynnal gwrandawiadau gerbron Pwyllgor :

Sicrhau fod pawb (gan gynnwys yr ymgeisydd, partïon cyfrifol neu bartïon â diddordeb a'u cynrychiolwyr) yn cael gwrandawriad teg.
Bod holl benderfyniadau Llywodraeth Leol yn cael eu gwneud yn agored, yn dryloyw a hefyd mewn ffordd neu ddull atebol.

2.0 IS-BWYLLGOR TRWYDDEDU

- 2.1** Bydd nifer fawr o'r ceisiadau yn ymwneud â materion gweinyddol yn unig. Onid oes anghytundeb neu wrthdrawiad mewn maes penodol neu pan fo cais yn cael ei gyflwyno yn ddiwrthwynebiad yna mae'r cyfrifoldeb am brosesu cais o'r fath yn cael ei ddirprwyo i swyddogion. (Mae'r swyddogaethau a ddirprwywyd yn ymddangos yn Atodiad 1).
- 2.2** Pan fo angen gwrandawriad dan Ddeddf Trwyddedu 2003, mae'r Pwyllgor Trwyddedu wedi penderfynu y bydd y ceisiadau yn cael gwrandawriad gerbron Is-Bwyllgor ac arno 3 Chynghorydd, a'r rheini yn cael eu tynnu o gronfa sy'n cynnwys holl aelodau'r Pwyllgor Trwyddedu - 14 o Aelodau i gyd. Bydd pob Is-Bwyllgor yn cael ei Gadeirio gan y Cadeirydd (ac yn ei absenoldeb ef gan yr Is-Gadeirydd). I bob cyfarfod, nodir enw pedwerydd aelod wrth gefn rhag ofn y bydd aelod arall, yn annisgwyl, heb fod ar gael.
- 2.3** Y cworwm i'r Is-Bwyllgor Trwyddedu yw 3 aelod a bydd raid i'r 3 ohonynt fod yn bresennol trwy gydol y gwrandawriad. Fodd bynnag, mewn achos lle mae'n rhaid i un aelod adael gwrandawriad penodol ar ôl iddo gychwyn, gall y gwrandawriad ei hun fynd yn ei flaen gyda chytundeb penodol yr holl bartïon sy'n bresennol. Ni ddylai'r aelod dan sylw ddychwelyd i'r gwrandawriad ar ôl gadael. Oni fedrir dod i gytundeb, yna rhaid gohirio'r gwrandawriad hyd ddyddiad ac amser addas arall.
- 2.4** Ym mhob un o gyfarfodydd yr Is-Bwyllgor bydd cynghorydd cyfreithiol i'r Cyngor, Swyddog Pwyllgor a Swyddog Trwyddedu yn bresennol. Ni fydd y rhain yn rhan o'r gwrandawriad ond byddant ar gael i ddarparu cyngor i'r aelodau.
- 2.5** Fel arfer cynhelir y gwrandawiadau ym Mhrif Adeilad y Cyngor, Llangefni a bydd hynny'n digwydd yn ystod y dydd.

3.0 RHYBUDD O WRANDAWIAD

- 3.1** Bydd y partiön sydd â diddordeb yn cael gwybod am y gwrandawriad yn unol â'r amserlenni a nodir yn y Rheoliadau. Ynglwm wrth y rhybudd o'r gwrandawriad cyflwynir y wybodaeth honno sy'n angenrheidiol dan y Rheoliadau a bydd yn cynnwys:-

copi o'r Trefniadau hyn;
cadarnhad y gall unigolyn gynorthwyo neu gynrychioli parti penodol pa un a ydyw'r unigolyn hwnnw gyda chymwysterau cyfreithiol ai peidio;
cadarnhad y bydd unrhyw barti yn y gwrandawriad â'r hawl i annerch yr awdurdod, cyflwyno rhagor o wybodaeth ar bwynt penodol y bydd yr awdurdod angen rhagor o eglurhad arno a hefyd, petai'r Is-Bwyllgor yn penderfynu bod angen hynny, yr hawl i ofyn cwestiynau i barti arall yn y gwrandawriad;
canlyniadau methu â mynychu neu fethu â gyrru cynrychiolydd i wrandawriad (ac fel arfer y canlyniadau hynny yw y bydd y gwrandawriad yn symud ymlaen yn absenoldeb y parti); a
nodyn ar bwyntiau penodol y bydd yr awdurdod angen rhagor o eglurhad arnynt.

- 3.2** Bydd raid i'r holl bartiön y cyflwynwyd rhybudd o'r gwrandawriad iddynt roddi i'r Cyngor, yn unol â'r amserlenni a nodir yn y Rheoliadau, rhybudd yn datgan :-

a ydynt yn bwriadu mynychu y gwrandawriad neu gael cynrychiolaeth ynddo;
a ydynt o'r farn fod gwrandawriad yn angenrheidiol ai peidio;
a ydynt yn dymuno gofyn fod person arall yn cael ymddangos yn y gwrandawriad (ac eithrio eu cynrychiolydd). Petai cais o'r fath yn cael ei gyflwyno, yna gyda'r cais hwnnw bydd raid cyflwyno enw llawn y person hwnnw a disgrifiad llawn o'r pwyntiau y bydd modd i'r person hwnnw gynnig cymorth i'r awdurdod yn eu cylch.

4.0 PARTI YN METHU Â MYNYCHU GWRANDAWRIAD

- 4.1** Pan fo parti, sydd heb gyflwyno rhybudd o'i fwriad i beidio â mynychu gwrandawriad, yn absennol o'r gwrandawriad yna gall yr Is-Bwyllgor unai ohirio'r gwrandawriad neu gynnal y gwrandawriad yn absenoldeb y parti. Pan fo gwrandawriad yn cael ei gynnal yn absenoldeb parti penodol, yna bydd yr Is-Bwyllgor yn dal i ystyried y cais, y gwrthwynebiad neu'r rhybudd a gyflwynwyd gan y parti hwnnw.

5.0 HAWL I FYNYCHU A CHYNRYCHIOLAETH

- 5.1** Yn amodol ar unrhyw gyfyngiadau a fo yn y Rheoliadau, gall Parti (sef yr ymgeisydd neu gorff cyfrifol neu gorff â diddordeb) fynychu gwrandawriad a hefyd gael cymorth person arall neu gael ei gynrychioli gan berson arall, pa un a ydyw'r person hwnnw gyda chymwysterau cyfreithiol ai peidio.
- 5.2** Bydd copi o'r holl wrthwynebiadau perthnasol yn cael ei ddarparu yn llawn i'r ymgeisydd. Bydd y papurau i wrandawriad Is-Bwyllgor ar gael i'r wasg a'r cyhoedd. Os ydyw gohebiaeth yn cael ei chyflwyno'n ddienw yna ni roddir sylw iddi.

- 5.3** Ni chaiff aelodau'r Is-Bwyllgor ohebu na chynnal trafodaethau gyda'r ymgeiswyr, eu cynrychiolwyr na'u hasiantaethau, nac ychwaith gyda phartïon eraill â diddordeb nac ag awdurdod cyfrifol arall ynghylch rhinweddau'r cais/ceisiadau y bydd gofyn iddo o bosib benderfynu arno/amynt.
- 5.4** Ni fydd gwrthwynebiadau na cheisiadau am arolwg yn cael eu derbyn oni fyddant yn ymwneud ag un neu â rhagor nag un o'r pedwar amcan trwyddedu a ganlyn :-
Atal Trosedd ac Anhrefn
Diogelwch y Cyhoedd
Rhwystr Niwsans Cyhoeddus, a
Diogelu Plant Rhag Niwed.

6.0 HAWLIAU'R CYHOEDD I FYNYCHU

- 6.1** Bydd gwrandawriad yn cael ei gynnal yn gyhoeddus ond gall yr Is-Bwyllgor wahardd y cyhoedd (gan gynnwys parti neu unrhyw unigolyn sy'n cynorthwyo neu'n cynrychioli parti) o'r cyfan neu o ran o'r gwrandawriad pan gred fod y budd cyhoeddus mewn gwneud hynny yn fwy na'r budd cyhoeddus yn y gwrandawriad, neu'r rhan honno o'r gwrandawriad sy'n cael ei chynnal yn gyhoeddus.
- 6.2** Gall y Cadeirydd wahardd o'r gwrandawriad unrhyw un sy'n aflonyddu ar y gwrandawriad. Gall hyn gynnwys parti sy'n dymuno siarad mewn gwrandawriad. Os ydyw parti yn cael ei wahardd, yna gall y parti hwnnw gyflwyno i'r Is-Bwyllgor, yn ysgrifenedig, unrhyw wybodaeth y buasent â'r hawl i'w chyflwyno ar lafar petaent heb eu gwahardd o'r gwrandawriad.
- 6.3** Gall yr Is-Bwyllgor fynd i sesiwn breifat yn ystod gwrandawriad neu ar ei ddiwedd i ystyried unrhyw fater neu i benderfynu ym mha fodd y mae'n dymuno penderfynu ar gais. Gall y Swyddog Pwyllgor a'r Cynghorydd Cyfreithiol fod yn bresennol yn yr Is-Bwyllgor ac ar gael i'w gynorthwyo gydag unrhyw gwestiynau cyfreithiol allai godi ond ni fyddant yn rhan o unrhyw benderfyniad a wna'r Is-Bwyllgor.

7.0 ADRODDIAD

- 7.1** Cyflwynir adroddiad, a baratoir gan y Swyddog Trwyddedu, i'r Is-Bwyllgor a bydd copi ohono yn cael ei yrru at y partïon cyn y gwrandawriad.

8.0 Y TREFNIADAU MEWN GWRANDAWRIAD

- 8.1** Yr Is-Bwyllgor, trwy ei ddisgresiwn ei hun, fydd yn penderfynu ar drefn y busnes ond fel arfer bydd yn dilyn y paragraffau a ganlyn.
- 8.2** Ar ddechrau'r gwrandawriad bydd y Cadeirydd yn cyflwyno aelodau'r Is-Bwyllgor, yn gwadd partïon i gyflwyno eu hunain ac wedyn yn egluro i'r partïon pa drefn neu drefniadau y bwriada'r Is-Bwyllgor eu dilyn. Bydd yr holl gwestiynau yn gorfod mynd trwy'r Cadeirydd. Ef hefyd fydd yn ystyried, yng nghyd-destun y gwrthwynebiadau gerbron yr Is-Bwyllgor, faint o amser y bydd pob parti yn ei gael i siarad, ond yr un pryd sicrhaf fod pob parti yn cael yr un faint â'i gilydd.

- 8.3** Bydd raid i bob aelod sy'n bresennol mewn gwrandawriad ddweud a oes ganddo ddiddordeb i'w ddatgan gan ddilyn y protocol trwyddedu.
- 8.4** Wedyn bydd y Cadeirydd yn symud ymlaen i ofyn i'r Swyddog Trwyddedu gyflwyno ei adroddiad a bydd hwnnw yn amlinellu :-
 manylion y cais a'r gwrthwynebiadau perthnasol a wnaed gan y partïon; a
 chanlyniadau unrhyw drafodaethau
 y ddeddfwriaeth berthnasol
 Canllawiau Cenedlaethol Perthnasol
 Materion perthnasol yn codi o Bolisi Trwyddedu'r Awdurdod
- 8.5** Wedyn bydd y Cadeirydd yn gwadd, fesul un, pob parti neu eu cynrychiolwyr i annerch yr Is-Bwyllgor a galw ar unrhyw un y rhoddwyd iddo ganiatâd i ymddangos. Gall aelodau'r Is-Bwyllgor neu ei Gyngorydd Cyfreithiol ofyn cwestiynau i unrhyw barti, unrhyw bryd yn ystod y trafodaethau.
- 8.6** Yn y drefn hon y gelwir y partïon i annerch yr Is-Bwyllgor :-
 Heddlu Gogledd Cymru
 Gwasanaeth Tân ac Achub Gogledd Cymru
 Gwasanaeth Cynllunio Ynys Môn
 Gwasanaeth Iechyd yr Amgylchedd Ynys Môn
 Gwasanaeth Safonau Masnach Ynys Môn
 Gwasanaethau Cymdeithasol Ynys Môn
 unrhyw barti arall sydd wedi cyflwyno gwrthwynebiad ynghylch y cais, y dystysgrif neu'r rhybudd neu ynghylch unrhyw fater arall a fo gerbron yr Is-Bwyllgor (os oes rhagor nag un gwrthwynebiad yn codi yr un pwnc, bydd yr Is-Bwyllgor yn ceisio annog un parti yn unig i'w annerch ar ran y partïon perthnasol).
 y parti sydd wedi cyflwyno'r cais, y dystysgrif, y rhybudd neu'r mater arall a fo gerbron yr Is-Bwyllgor.
- 8.7** Gall yr Is-Bwyllgor, yn ôl ei ddisgresiwn, newid ac amrywio y drefn uchod.
- 8.8** Bydd pob parti â'r hawl i :-
- a) gyflwyno rhagor o wybodaeth o blaid eu ceisiadau, eu gwrthwynebiadau neu eu rhybuddion (fel y bo'n briodol)*.
 - b) ofyn cwestiwn i unrhyw barti arall ** ond gyda chaniatâd yr Is-Bwyllgor; ac
 - c) annerch yr Is-Bwyllgor
- (* Rhaid wrth ganiatâd yr holl bartïon sy'n bresennol a chaniatâd y Cadeirydd hefyd cyn ystyried gwrthwynebiad neu dystiolaeth hwyr).
- (** Ni roddir caniatâd i ofyn cwestiynau i unrhyw barti arall onid yw'r Is-Bwyllgor yn credu bod hynny'n angenrheidiol iddo wrth ystyried gwrthwynebiad, cais neu rybudd beth bynnag fo'r achos ar y pryd).
- 8.9** Gall aelodau'r Is-Bwyllgor ofyn unrhyw gwestiwn i unrhyw barti neu unigolyn sy'n ymddangos yn y gwrandawriad.

- 8.10** Y mae'r Is-Bwyllgor yn medru derbyn tystiolaeth ail-law ond rhoddir sylw hefyd i ba bwysau i'w roddi ar dystiolaeth o'r fath, os roddir unrhyw bwysau, gan ddibynnu ar amgylchiadau'r dystiolaeth.
- 8.11** Wedyn bydd y Cadeirydd yn gofyn i'r ymgeisydd a ydyw, ar ôl clywed unrhyw wrthwynebiad, yn dymuno diwygio ei gais neu gynnig rhagor o amodau i ddatrys materion a godwyd gan y gwrthwynebiad a/neu hyrwyddo yr amcanion trwyddedu.
- 8.12** Os ydyw ymgeisydd yn cyflwyno unrhyw sylwadau yng nghyswllt 8.11 uchod, bydd yr Is-Bwyllgor yn gofyn i'r partïon eraill a ydynt yn dymuno cyflwyno sylwadau ychwanegol yng nghyswllt unrhyw newid neu yng nghyswllt sylwadau ychwanegol a gynigiwyd gan yr ymgeisydd.
- 8.13** Yn olaf, bydd y Cadeirydd yn gwadd partïon i ddweud a ydynt yn dymuno cyflwyno sylwadau terfynol. Gyda'r rheini dilynir yr un drefn â 8.6, gan orffen gyda'r ymgeisydd.
- 8.14** Bydd yr Is-Bwyllgor yn ystyried y mater gerbron ac yn penderfynu arno. I gyflawni hyn bydd yr Is-Bwyllgor yn encilio i ystafell breifat.
- 8.15** Wedyn bydd yr Is-Bwyllgor yn ailagor y sesiwn agored a'r Cadeirydd yn gofyn i'r Cynghorydd Cyfreithiol roi gwybod i'r partïon am bob cyngor cyfreithiol a roddwyd yn nhrefnodaeth breifat yr Is-Bwyllgor ac a ddefnyddiwyd i'w cynorthwyo i gyrraedd y penderfyniad.
- 8.16** Yna bydd y Cadeirydd yn cyhoeddi yn y sesiwn agored ac i'r holl bartïon presennol, benderfyniad yr Is-Bwyllgor a'r rhesymau, onid yw'r penderfyniad (pan fo'r rheoliadau yn caniatáu hynny) yn cael ei gyfleu rywbryd yn y dyfodol, a than amgylchiadau o'r fath bydd yr ymgeisydd yn cael gwybod yn ysgrifenedig, cyn pen 5 diwrnod gwaith, am y penderfyniad.
- 8.17** Gan ddilyn darpariaethau y Rheoliadau, gall yr Is-Bwyllgor :-
- ohirio'r gwrandawriad hyd at ddyddiad penodol arall (e.e. pan fo parti yn methu mynychu neu yn methu trefnu cynrychiolydd mewn gwrandawriad a'r Is-Bwyllgor yn ystyried bod raid, er mwyn budd y cyhoedd, gohirio'r gwrandawriad).
- drefnu i gynnal gwrandawriad ar ddyddiadau ychwanegol a phenodol (e.e. pan fo
- angen rhagor o amser i ystyried unrhyw wrthwynebiadau neu rybudd a gyflwynwyd gan barti).
- 8.18** Pryd bynnag y bydd yr Is-Bwyllgor yn gohirio gwrandawriad tan ddyddiad penodol bydd yn rhoddi gwybod yn syth i'r partïon am ddyddiad, amser a lleoliad y gwrandawriad gohiriedig.

9.0 COFNOD O'R TRAFODAETHAU

- 9.1** Bydd yr awdurdod yn cadw cofnod o'r gwrandawriad - un parhaol a dealladwy - am gyfnod o 6 blynedd o ddyddiad y penderfyniad neu, pan fo apêl yn cael ei chyflwyno yn erbyn penderfyniad yr awdurdod, o ddyddiad dyfarniad yr apêl.

10.0 EGWYDDORION GWNEUD PENDERFYNIADAU

10.1 Wrth wneud penderfyniadau dan y Ddeddf, bydd raid i'r aelodau ystyried :-

Y ffeithiau perthnasol yng nghyd-destun y dystiolaeth a gyflwynwyd,
Y darpariaethau statudol perthnasol,
Y canllawiau cenedlaethol perthnasol a Datganiad Polisi yr Awdurdod
Trwyddedu,
Yr amcanion Trwyddedu,
Rhagoriaethau penodol yr achos gerbron.

10.2 Penderfynir ar geisiadau yn ôl a ydynt yn hyrwyddo yr amcanion trwyddedu yn y Ddeddf ai peidio, sef :

Atal Trosedd ac Anhrefn
Diogelwch y Cyhoedd
Rhwystr Niwsans Cyhoeddus, a
Diogelu Plant Rhag Niwed

10.3 Bydd raid i'r Is-Bwyllgor ddiystyru unrhyw wybodaeth neu dystiolaeth sy'n amherthnasol i'r cais, i'r gwrthwynebiadau neu rybudd; neu'n amherthnasol i bwrpas hyrwyddo yr amcanion trwyddedu.

10.4 Bydd raid i aelodau'r Pwyllgor Trwyddedu, neu ei Is-Bwyllgor, weithredu'n ddiduedd ac yn ddiragfarn, a heb unrhyw fudd sy'n creu rhagfarn yn erbyn unrhyw gais gerbron, a rhaid cadw meddwl agored ar yr holl geisiadau hyd oni fyddant wedi ystyried yr holl dystiolaeth a'r holl ddadleuon a gyflwynir. Ni chânt gymryd na mynegi sylwadau ar ragoriaethau'r cais, na threfnu cefnogaeth na gwrthwynebiad i unrhyw gais cyn dyddiad y gwrandawriad. Os ydyw aelod yn gwneud hynny yna bydd yn colli'r hawl i fod ar yr Is-Bwyllgor Trwyddedu hwnnw sy'n ystyried y cais.

11.0 DATGAN DIDDORDEB

11.1 Bydd raid i aelodau, bob amser, gydymffurfio gyda'r Côd Ymddygiad i Aelodau yng nghyswllt datgan diddordeb personol neu un a allai greu rhagfarn, cyfranogiad yng nghyswllt diddordebau a ddatganwyd a chofrestru diddordebau ariannol a rhai eraill yn ogystal â chofrestru rhoddion neu letygarwch a dderbyniwyd.

11.2 Ni all yr un aelod o'r Is-Bwyllgor Trwyddedu gynrychioli parti nac ymgeisydd sydd â diddordeb. Os ydyw aelod yn dymuno gwneud hynny rhaid iddo adael yr Is-Bwyllgor sydd yn mynd i ystyried y cais.

11.3 Os ydyw aelod yn byw yng nghyffiniau'r cais yna mae'n barti â diddordeb. O'r herwydd mae ganddo ddiddordeb personol a gallai hwnnw hefyd fod yn un sy'n creu rhagfarn. Mae gan Aelod ddiddordeb sy'n creu rhagfarn os ydyw wedi cyflwyno gwrthwynebiad perthnasol.

11.4 Gall Aelodau Etholedig yr awdurdod trwyddedu gyflwyno sylwadau ar geisiadau oherwydd tybir eu bod yn bartïon â diddordeb a gallant hefyd weithredu mewn capasiti cynrychioliadol ar ran preswylwr neu fusnes yng nghyffiniau'r adeilad ac,

yn

yr achos hwn, rhaid iddynt enwi'n glir y person y maent yn ei gynrychioli.

- 11.5** Os ydyw Aelod â diddordeb personol neu ddiddordeb sy'n creu rhagfarn mewn mater y bydd yr Is-Bwyllgor yn penderfynu arno yna ni all yr unigolyn fynychu (onid yw'r aelod hefyd yn ymgeisydd neu yn barti â diddordeb ac yn y capasiti hwnnw yn unig) na chael cynrychiolaeth yn y gwrandawriad, ac ni all gynrychioli parti â diddordeb.

12.0 AELODAU DROS WARDIAU

- 12.1** Ni all yr un aelod o'r Pwyllgor Trwyddedu fod ar Is-Bwyllgor sy'n cynnal gwrandawriad i gais yn y ward y mae'n ei chynrychioli.
- 12.2** Gall Aelodau Etholedig yr awdurdod trwyddedu gyflwyno sylwadau ar geisiadau oherwydd tybir eu bod yn bartion â diddordeb a gallant hefyd weithredu mewn capasiti cynrychioliadol ar ran preswylwr neu fusnes yng nghyffiniau'r adeilad ac, yn yr achos hwn, rhaid iddynt enwi'n glir y person y maent yn ei gynrychioli.

13.0 LOBïO

- 13.1** Os ydyw unigolyn yn cysylltu gydag Aelod o'r Pwyllgor Trwyddedu i'w lobïo yng nghyswllt cais am drwydded yna bydd raid i'r Aelod hwnnw egluro nad yw'n bosib iddo drafod y mater a gofyn i'r sawl sy'n lobïo gysylltu unai gyda'r Swyddog Trwyddedu neu gyda'r Aelod i'w Ward i bwrpas cael eglurhad ar y broses o wneud penderfyniadau.
- 13.2** Ni chaiff Aelodau eraill lobïo aelodau sydd ar yr Is-Bwyllgor Trwyddedu, yn uniongyrchol nac yn anuniongyrchol, yn ysgrifenedig nac mewn unrhyw ffordd arall, yng nghyswllt unrhyw eitem y bydd yr Is-Bwyllgor Trwyddedu yn gwneud penderfyniad arni. Os ydyw Aelodau â gwrthwynebiadau i'w cyflwyno, ar ran parti â diddordeb, bydd gofyn iddynt yrru'r cyfryw wrthwynebiadau at y Swyddog Trwyddedu i bwrpas eu cynnwys yn ei adroddiad.

14.0 YMWELIADAU Â SAFLEOEDD

- 14.1** Gall yr Is-Bwyllgor ymweld ag adeiladau y cyflwynir cais yn eu cylch. Os oes raid bydd modd trefnu ymweliad cyn y gwrandawriad neu fel arall gall yr Is-Bwyllgor ohirio'r gwrandawriad ar ei hanner i bwrpas mynd ar ymweliad. Bydd raid i Gadeirydd yr Is-Bwyllgor roddi rhesymau i gyfiawnhau ymweliad â safle a chânt eu nodi a'u cyflwyno i'r partion.

- 14.2** Os ydyw ymweliad â safle yn angenrheidiol dilynir y drefn a ganlyn :-

Bydd raid i'r ymweliad fod yn ymweliad i'r grwp a holl aelodau'r Is-Bwyllgor Trwyddedu yn bresennol a bydd raid cyfyngu ar ei bwrpas i'r hyn a nodwyd gan y Cadeirydd;

Bydd raid i'r Swyddog Trwyddedu fod yn rhan o'r ymweliad a bydd modd i'r aelodau ofyn cwestiynau ffeithiol iddo;

Rhaid peidio â rhoddi unrhyw arwydd, yn ystod ymweliad, o beth fydd y penderfyniad tebygol ar y cais;

Yn ystod yr ymweliad ni chaniateir gwrandawrio ar wrthwynebiad gan yr ymgeisydd nac ychwaith gan y rheini sy'n cyflwyno'r gwrthwynebiad;

Bydd cofnod yn cael ei gadw o enwau y rheini ar yr ymweliad a chofnod o'r

cwestiynau a ofynnwyd ac o'r atebion a roddwyd..

15.0 CEISIADAU GAN YR AWDURDOD LLEOL NEU GAN AWDURDOD CYHOEDDUS ARALL

- 15.1** Pan fo'r Awdurdod yn ymgeisydd am drwydded, yna penderfynir ar y cais yn ôl y trefniadau arferol. Ni fydd yr Is-Bwyllgor Trwyddedu yn rhoddi unrhyw sylw i fuddiannau'r Cyngor ei hun, ac eithrio derbyn gwrthwynebiadau perthnasol ar y mater gerbron. Os ydyw Aelod wedi bod yn rhan o benderfyniad yr awdurdod i ofyn am drwydded neu os ydyw wedi mynegi barn ar gais o'r fath, yna ni all fod ar yr Is-Bwyllgor Trwyddedu sy'n gwneud penderfyniad ar y cais hwnnw.
- 15.2** Os ydyw Aelod hefyd ar awdurdod lleol arall, neu'n cyflawni swyddogaeth i awdurdod cyhoeddus arall neu'n cael ei benodi gan Gyngor Sir Ynys Môn fel ei gynrychiolydd ar gorff arall yna ni all yr unigolyn hwnnw fod ar yr Is-Bwyllgor Trwyddedu sy'n gwneud penderfyniad ar gais a gyflwynwyd gan yr awdurdod arall hwnnw neu ar gais gan y corff arall neu ar gais y cafwyd sylwadau gan yr awdurdod neu'r corff arall hwnnw arno.

16.0 NEWID NEU DDIWYGIO'R TREFNIADAU HYN

- 16.1** Gall yr Is-Bwyllgor Trwyddedu ddiwygio neu amrywio unrhyw ran o'r trefniadau neu eu rhoddi o'r neilltu yng nghyswllt unrhyw achos penodol petai o'r farn bod hynny'n angenrheidiol i sicrhau tegwch i'r partion a/neu i sicrhau rhoddi sylw priodol i'r cais gerbron, gyda'r amod wrth gwrs nad yw hynny yn torri'r Rheoliadau. Bydd cofnod o'r rhesymau dros wneud y penderfyniad hwn yn cael ei wneud a'i gadw yn y ffordd arferol.